

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINSKI SUD U TEŠNJU
Broj: 039-0-SU-26-000202
Dana, 26.03.2026.godine

Na osnovu člana 31. stav 1. Zakona o sudovima u Federaciji BiH („Službene novine F BiH“ br. 38/05, 22/06, 63/10, 72/10, 07/13, 52/14 i 85/21“), člana 57. Zakona o zaštiti ličnih podataka („Službeni glasnik BiH“, broj 12/25), te Smjernica Visokog sudskog i tužilačkog vijeća Bosne i Hercegovine za upotrebu sistema video nadzora na zgradama pravosudnih institucija u Bosni i Hercegovini (broj 09-02-3-989-1/20 od 10.03.2020.godine), predsjednica Općinskog suda u Tešnju donosi

O D L U K U
o sistemu videonadzora u Općinskom sudu Tešnju

Član 1.

Ovom Odlukom uspostavlja se sistem videonadzora u Općinskom sudu u Tešnju, definiše njegova svrha i opravdanost, te određuju pravila prikupljanja, obrade, načina korištenja i davanja prikupljenih podataka, kao i način i rokovi čuvanja podataka.

Sistem videonadzora je vlasništvo Općinskog suda u Tešnju.

Član 2.

Nosilac podataka, u smislu ove Odluke je fizičko lice čiji se identitet može ustanoviti ili identificirati neposredno ili posredno na osnovu fizičkog identiteta tog lica.

Član 3.

Videonadzor znači snimanje i pohranjivanje vizualnih zapisa. Podaci koji se obrađuju sistemom videonadzora predstavljaju lične podatke u skladu sa Zakonom o zaštiti ličnih podataka („Službeni glasnik BiH“, broj 12/25) i sadrže: sliku, pokret, ton, vrijeme i datum videozapisa.

Član 4.

Videonadzor se provodi u svrhu:

- 1) pružanja sigurnosti i zaštite, te radi kontrole pristupa, što posebno podrazumijeva sigurnost i zaštitu imovine, nosilaca pravosudnih funkcija, drugih zaposlenika i posjetilaca u zgradi, te sigurnosti i zaštite dokaznih materijala, dokumenata i sl.;

- 2) sprečavanje, onemogućavanje i prema potrebi istraživanja sigurnosnih incidenata, mogućih opasnosti ili neovlaštenih fizičkih ulazaka, uključujući neovlaštene pristupe osiguranim prostorima i prostorima pod zaštitom, IT infrastrukturi ili operativnim informacijama, te upravljanju njima;
- 3) sprečavanja, otkrivanja i istraživanja slučajeva krađe opreme ili imovine u vlasništvu pravosudne institucije ili Sudske policije, zaposlenika ili posjetilaca, kao i sprečavanju, otkrivanju i istraživanju prijetnji sigurnosti u zgradama;
- 4) odvrćanju od činjenja navedenih i svih drugih inkriminiranih radnji u i oko prostorija pravosudne institucije i Sudske policije.

Član 5.

Sistem videonadzora može se upotrebljavati samo u skladu sa svrhom propisanom ovom Odlukom.

Sistem videonadzora nije dozvoljeno koristiti radi kontrole zaposlenika, osim kada se radi o zaposlenicima koji su neposredno angažovani na poslovima vezanim za sigurnost, zaštitu i kontrolu pristupa i kada je radno mjesto zaposlenika na javnom mjestu, odnosno mjestu koje je označeno kao mjesto koje je pod videonadzorom. Podaci prikupljeni sistemom videonadzora ne smiju se koristiti suprotno Zakonu o zaštiti ličnih podataka.

Član 6.

Kamere koje se ugrađuju u sistem videonadzora trebaju imati adekvatnu rezoluciju, a prilikom njihove ugradnje u vidnom polju ne smiju se nalaziti bilo kakve prepreke zbog čijeg prisustva se onemogućava pravilno funkcionisanje video nadzornog sistema.

Lokacije kamera i uglovi snimanja temelje se na sigurnosnoj procjeni koju izrađuje nadležna organizaciona jedinica Sudske policije i postavljaju se na najvažnijim lokacijama u zgradi i izvan nje.

Član 7.

Općinski sud u Tešnju dužan je istaknuti obavještenje o videonadzoru.

Oznaka o videonadzoru sadrži sljedeće informacije: da je prostor pod videonadzorom, podatke o kontroloru podataka, odnosno obrađivaču i kontakt-podatke putem kojih nosilac podataka može ostvariti svoja prava. Oznaka treba biti vidljiva najkasnije prilikom ulaska u vidokrug snimanja.

Član 8.

Nadzor nad monitorima i uređajima za snimanje nalazi se kod nadležne organizacione jedinice Sudske policije.

U skladu sa stavom 1.ovog člana, Sudska policija treba posjedovati šifre za pristup sistemu kako bi mogli pravovremeno vršiti eventualno potrebne sigurnosno-preventivne preglede u stvarnom vremenu, kao i preglede snimljenog materijala u proteklom periodu.

Pitanje šifre, čuvanje šifre, odgovorne osobe i sl. uređuje se posebnim internim aktom nadležne organizacione jedinice Sudske policije.

Član 9.

Pravo na davanje informacija prikupljenih sistemom videonadzora (kopiranje ili preuzimanje/presnimavanje snimljenog materijala) na zahtjev treće strane (pravne ili fizičke osobe) može odobriti isključivo predsjednica suda uvažavajući odredbe Zakona o zaštiti ličnih podataka i Zakona o slobodi pristupa informacijama u FBiH, istovremeno ocjenjujući i pitanja koja jesu ili mogu biti od značaja za sigurnost objekta i osoba u istom.

Svako postupanje i davanje na uvid podataka izvan pravosudne institucije i nadležne organizacione jedinice Sudske policije se dokumentuje i o istom se vodi posebna evidencija.

Član 10.

Sva lica koja imaju mogućnost pristupa videonadzoru obavezuju se na čuvanje tajnosti podataka do kojih dođu.

Član 11.

Prikupljeni podaci se čuvaju onoliko dugo koliko dozvoljavaju tehničke mogućnosti i koliko je potrebno da se ispuni svrha i cilj utvrđeni ovom Odlukom.

Član 12.

Ova Odluka stupa na snagu danom donošenja i biće objavljena na službenoj web stranici Općinskog suda u Tešnju.

Dostavlja se:

1. Web stranica
2. Centar Sudske policije ZDK Zenica
3. a/a

